



SINDIKAT METALACA FEDERACIJE BOSNE I HERCEGOVINE

Sarajevo, Obala Kulina bana 1

Tel./Fax.: ++ 387 33 20 01 76; Email: info@smfbih.ba

Web: www.smfbih.ba

Broj: 01-203-XI/25

Sarajevo, 13.11.2025. godine

SREDSTVIMA INFORMISANJA

Predmet: Saopštenje za javnost Sindikat metalaca Federacije BiH povodom 15. Novembra - Dana metalaca

Dok političari mjere rejtinge, a poslodavci poslovne rezultate, radnici u metalском sektoru nose privredu ove zemlje na svojim leđima. Oni rade, proizvode, izvoze, hrane hiljade porodica, ali od svojih plata i dalje ne mogu živjeti dostojanstveno. Sindikat metalaca Federacije Bosne i Hercegovine povodom Dana metalaca - 15. novembra, upozorava da bez radnika nema ni industrije, ni razvoja, ni budućnosti.

Metalski sektor je kičma privrede Federacije BiH, ključni generator izvoza, punjenja budžetskih i vanbudžetskih fondova. Međutim, realni efekti tog doprinosa slabo se osjete se u džepovima velikog broja radnika. Plate ne prate inflaciju, posebno u privatnom sektoru, troškovi života rastu iz mjeseca u mjesec, kupovna moć radnika sve je manja.

Sindikat metalaca Federacije BiH je kroz dugotrajne i teške pregovore sa Udruženjem poslodavaca uspio zaključiti novi granski kolektivni ugovor, koji je pored ostalog donio i povećanje najniže cijene rada. Borba još uvijek traje, jer sve dok radnik ne može prehraniti porodicu od svoje plate, dok se boji bolovanja, dok ne zna hoće li mu biti produžen ugovor o radu – ne možemo govoriti o dostojanstvu i pravednom društvu.

Danas vidimo da su prognoze o „propasti ekonomije“ zbog povećanja najniže plate u 2025. godini, nakon godina stagnacije, bile obične manipulacije. Ono što zaista prijeti ovoj zemlji nije rast plata, nego odlazak ljudi. Bosna i Hercegovina gubi stanovništvo brže nego ijedna država u svijetu.

Zato poručujemo da novi Zakon o radu mora ispraviti greške važećeg zakona koji je obespravio radnike i uništio krhku ravnotežu između poslodavaca i radnika - prije svega mora onemogućiti zloupotrebu ugovora na određeno vrijeme i vratiti dostojanstvo radnicima.

Zahtijevamo da odluka o najnižoj plati za 2026. godinu donese značajno povećanje plate, na osnovu realnih pokazatelja o rastu troškova života. Radnik nije trošak, bez zadovoljnog radnika nema i ne može biti uspješnog poslodavca, a ni prosperitetnog društva.

Svim radnicima u metalском sektoru upućujemo najiskrenije čestitke za Dan metalaca. Temelji ove zemlje su zaljeveni Vašim znojem.

ZAJEDNO SMO NAJJAČI !!!

Dostavljeno:

-Naslovu;

-a/a



PREDsjedNIK SM FBIH

Amir Salihović

